

房縣志卷四

公署

古者建官必設公署以居之所以肅體制出政令也是故堂廉有等非以自尊也胥吏有舍非以侈觀也嚴內外謹出入非以邃密逸豫養尊也要在不懈於位以職思其居而已於戲棠芟遺思峴碑墮淚戴星出入運甓朝昏豈伊異人哉志公署

房舊爲州治在城南明洪武初知州吉岳創建後爲縣治修改不一中爲正廳廳後爲退食廳左爲幕廳右爲財

房縣志

卷四

公署

庫兩序爲六房前爲聖諭坊又前爲儀門右爲寅賓館鄴侯土地二祠右爲鸞駕庫爲倉廩爲獄又前爲頭門左爲申明亭右爲旌善亭又前爲屏門外額曰古房內額曰忠孝名邦街南爲屏牆退食廳後爲內宅宅爲清白軒正廳左爲縣丞宅右爲吏舍儀門左爲主宅右爲典史宅俱於崇禎甲戌己卯兩次城陷燬燼無餘

國朝康熙初知縣傅六吉田蒸髦先後仍舊址創置凡堂廳廩庫獄舍燕息之地均爲葺治厥後知縣朱明淵李

豫張敵張濬莊士登接踵增修規模益宏整焉咸豐六年賊匪陷城復燬

咸豐十一年知縣吳瑛重建中爲二堂堂右爲會客廳廳旁置軒楹祀古柏神對爲幕室其前爲大堂旁爲科房又前爲儀門門左爲衙神祠右爲獄又前爲頭門額曰房縣對爲屏牆旁樹兩楔一曰漢唐遺俗一曰忠孝名區外曰蜀西孔道楚北邊隅三堂未建於其基址右旁向東另建內宅

典史署在縣署東乾隆四十七年典史趙命新重建咸豐

房縣志

卷四 公署

二

六年賊燬大堂二堂僅存後屋寢室花廳及頭門旁衙神祠康熙年典史馮廷彪捐置南鄉龍窩水田二碩爲衙神祠香火之資內有大仙樓

板橋巡檢司在縣西北百五十里後移縣南百五十里博磨坪後復移三岔口卽板橋現移大木廠

九道梁巡檢司署乾隆四十九年增設在縣西南二百六十里

儒學 詳學校

察院布按二分司知府各行館總兵副將叅將遊擊守禦

千戶各署又縣丞主簿吏目博磨坪巡檢各署又康熙
五年設協鎮十七年設總兵各署俱無存

永豐倉在縣堂東今廢

預備倉在縣堂西今燬

常平倉在縣治東南隅康熙六十一年建共廩十七間

社倉六十處散貯四鄉今廢

陰陽學在縣治南設官訓術一員署今廢

醫學訓科一員無署

僧會司在城西關惠感寺

房縣志

卷四

公署

三

道會司在城內南街元妙觀久廢今移在城內東街城隍
廟

養濟院舊在縣北門外久廢乾隆初知縣鍾夢瀛移城西

惠感寺後瓦草房各三間額設孤貧十二名每名歲給

口糧銀二兩二錢二分

明洪武間調襄陽衛勦捕流寇遂留守禦千戶所設立公
署在縣治東中爲正廳兩序爲六房前爲儀門左爲吏
目宅右爲獄所前爲頭門又前爲屏牆後爲官宅今廢
協鎮公署在東門內舊分司西康熙五年建中爲正廳左

右爲書房前爲儀門又前爲頭門左右爲鼓亭爲轅門街南爲屏牆後爲退食廳後爲內宅今廢

遊擊署舊爲均房營守備署在縣治東北乾隆四十一年守備李文宣變賣各官官基隙地重修正廳三楹左右兩序各三楹前爲儀門又前爲頭門又前爲屏牆嘉慶七年新設鄖鎮左營遊擊一員將守備署改建添修左右鼓樓旂桿並石獅二東西轅門東庫局西官廳正廳後爲退食廳左右爲書房後爲官宅署東爲射亭西爲馬廄等所咸豐六年賊燬十一年四月遊擊田德明知

房縣志

卷四

公署

四

縣吳瑛移撥城工捐輸錢修葺三堂三楹左右廂房及迴廊二間餘未竣工同治元年被匪蹂躪二年四月遊擊富亮籌款重修完整

守備署舊爲均房營千總署在鼓樓東有頭門儀門前爲正廳後爲內宅嘉慶七年新設中軍守備一員將千總署改建成豐六年賊燬殘缺七年田遊擊到任捐廉修補暫作辦公之所至十一年署中軍守備王佐會同知縣吳瑛移款重修

城守千總署在縣治東以昔日育嬰堂並王公祠連爲

基以王公祠屋爲內宅外橫連正廳三楹左爲書房前
爲頭門馬房科房廳後三楹爲客房圍墻一週咸豐六
年冬賊燬十一年千總孟暄會同知縣吳移欵修葺
外委二員額外二員駐房城向無公署各租民房居住
庫局舊在遊署東邊咸豐六年賊燬

藥局舊在學署後老龍王廟址建立咸豐三年六月西河
水漲冲塌城垣藥局亦被淹七年知縣金玉堂因城基
近水難依故址縮進補葺藥局地址遂沒

教場舊在西北隅今改建於南城外演武廳一旗亭一後
三楹爲退息所左小房一間爲火藥局

賦役附屬政

洪範八政食貨為先周禮六官理財居半國賦之繫於民命誠重哉房在昔號稱富庶自明降為縣寇盜充斥蹂躪幾無孑遺我

朝定鼎後

列聖相承累洽重熙滋生日富猶復

軫念民依並蠲租緩徵史不一書房雖遐陬亟公奉上之餘敢忘我

國深仁厚澤哉謹遵乾隆年間頒發全書暨近歲陞墾之數

房縣志

卷四

賦役

六

志賦役

丁賦紀

房陵於兩漢為漢中郡望縣西漢漢中領縣十二戶十萬一千五百七十口三十萬六千一百一十四東漢漢中統九城戶五萬七千三百四十四口二十六萬七千四百二十自西漢生齒計之每縣得戶幾一萬口二萬五千餘以東漢生齒計之每縣得戶五千餘視西漢差縮而口幾三萬則過之晉新城郡領縣四戶已減至五萬三千二百迨隋房陵郡亦領四縣戶止七千一百六十視兩

漢不啻滅倍蓰也唐開元中號稱富庶而房陵郡屬四縣戶萬四千四百二十二口七萬一千七百八十計每縣得戶不滿四千口萬五千餘亦稍遜東漢宋房州領二縣甯宗時戶三萬三千一百五十一口萬七千九百四十一每縣得戶萬六千餘口二萬三千餘則盛於唐而幾與漢埒迄元至元間襄陽路領一司六縣二州而錢糧戶數纔五千九十噫凋敝極矣鄖志類編云明洪武間房縣戶五百六十三口二千七百九十七嘉靖初戶增至二千一百六十四口增至二萬五千六百七十

房縣志

卷四

賦役

七

七自末季流賊荼毒鄖被寇垂十餘載屬邑有六居民不四千數百里荆榛

國朝剗削么糜招徠撫循康熙三年房縣編戶纔一百七十戶田地僅一十六頃十六畝夏秋糧六十三石零而已至是始覩今之繁盛蓋休養生息幾費經營區畫閱二百餘年於茲矣

查核民田被水漂沒議

房居萬山中林木陰森剛鹵交錯自

國初以來日漸開墾小民擇高陵大阜凡可樹藝處幾至

無地不毛而山地之凝結者以草樹叢密宿根蟠繞則土堅石固比年來開墾過多山漸爲童一經霖雨浮石冲動劃然下流沙石交淤澗溪填溢水無所歸旁齧平田土人竭力隄防工未竣而水又至熟田半沒於河洲而膏腴之壤竟爲石田如道光七年汪家河小河十一年劉家河咸豐三四年各鄉河水漲異常凡近大河田地崩塌甚夥其應完納之戶依然舊有主名未能藉口以致抗欠者多卽爲宰者訛悉情形無從追比是在司牧者查明地勢確核報銷亦爲民興利除害之一政也

戶口

原額人丁三千七百八十丁

康熙三十八年戶六百六十六口三千六百二十五至乾隆三十一年共七千四百二十八戶四萬二千四百二十六口欽奉

恩詔永不加賦

五年編審之例於乾隆三十七年奉

上諭永行停止

田賦

原額民田三百一十三頃五十畝二分二毫九忽八微
原額民地一百一十九頃三十三畝八分九釐一毫八
絲五忽

共科夏稅小麥二百五十石二斗零

共科秋糧米麥二千五十一石五斗零

共科桑絲六觔一十三兩七錢八分秋糧內帶派

康熙三十八年田地共一百九十四頃二十五畝二分
一釐四毫至乾隆三十六年田地共三百五十三頃七
十六畝零是年奉

房縣志

卷四

賦役

九

旨開墾田地共十二頃十五畝七分七釐

屯田一萬四千零五畝歸襄陽衛徵收

原額正銀共二千五百三十九兩四錢四分七釐零

乾隆四十三年陞墾銀一百零一兩八錢八分零

原額正米共一千八百二十二石九斗八升九合一勺

乾隆四十三年陞墾米六十八石六斗四升一合七勺

歲充兵餉

起運

地丁銀一千七百五十五兩一錢四分七釐零

驛站銀一百八十七兩四錢九分九釐零
淺船銀三兩七錢五分二釐零

乾隆四十三年新增

地丁銀六十九兩六錢四分七釐零

驛站銀六兩五錢一分八釐零

淺船銀一錢三分

存留正項銀六百一十一兩零七釐

倉穀

常平倉穀四千二百一十九石六斗零又奉文領價增

房縣志

卷四

賦役

糴穀五千七百八十八石三斗零

社倉六十所共穀七千九百六十五石二斗四升零

城內城隍廟一所四百七十八石零

東鄉八所共六百七十六石七斗零

南鄉十五所共一千七百九十九石六斗零

西鄉十九所共二千六百九十八石五斗零

北鄉十七所共二千三百一十二石二斗零

經管倉長每所正副二名

以上各社倉於嘉慶元年遭教匪焚燬殆盡至嘉慶十

一年始奉文稽查經知縣洪範傳集各所鄉保倉長出
具甘結實係教匪焚燬惟城隍廟一所以年多莓爛變
充填別款其餘均經詳銷

稅課

田房稅無定額儘徵儘解

當舖每座稅銀五兩牙帖二張稅銀一兩均係嘉慶年
後教匪作亂軍需旁午當舖歇業牙行帖廢額銷鹽引
四百張每引納稅銀二分各舖戶赴川自行投交帶回
售銷無定

蠲政

順治二年蠲湖北賦 九年夏五月武昌等處各屬大
旱蠲免本年錢糧十之六

康熙二十四年湖北錢糧全行蠲免 二十五年蠲免
湖北錢糧一半 二十六年蠲免湖北地丁錢糧驢腳
南米十分之三 二十九年蠲免湖北錢糧一半 四
十五年全免湖北額賦一年 四十七年江夏嘉魚漢

陽蘄州黃梅廣濟沔陽江陵監利鄖縣鄖西房縣保康
等州縣并武昌武左荊州荆右沔陽等衛水旱虫鼠災

奉

旨蠲賦四萬二千六百四兩零賑穀共十七萬三千二百九十二石零 五十一年奉

旨全免湖北湖南地丁錢糧並歷年舊欠共銀一百萬九千六百八十三兩零

乾隆十年奉

旨普免天下地丁錢糧一次湖北省入於十三年輪免 三十五年奉

旨普免天下地丁錢糧一次湖北省即於本年輪免 四十

房縣志

卷四

賦役

十二

二年奉

旨普免天下地丁錢糧一次湖北省入於四十四年輪免 五十五年奉

旨普免天下地丁錢糧一次是年部議各省府州縣分年輪免即屬六縣入於五十八年輪免

嘉慶元年奉

旨普免天下地丁錢糧一次房縣入於嘉慶三年輪免旋因逆匪滋擾歷奉

恩旨元二三四等年地丁正耗及襍課等款錢糧全行豁免

五年奉

旨房縣等應徵本年正耗銀均自嘉慶六年起分作兩年帶徵 六年奉

旨房縣等帶徵五年及應徵六年錢糧着一併緩至秋成後為始分作三年帶徵 七年奉

旨將被賊較重之房縣等十州縣本年應徵地丁正耗錢糧全行蠲免前此分三年帶徵之積欠錢糧再展限二年分作五年帶徵

學校

建國居民學校爲先房爲古郡代有人文明初科甲纍纍絃誦成風季年遭賊燬蓋創徙者屢矣按古釋奠於學漢始廟於太學宋詔各郡縣立廟明因之而學舍卽築於其旁學者置身宮牆肄業於斯經明行脩故人材蔚起焉房邑

又廟規模狃備學舍被水冲塌尚未興舉崇文教而培士風誠切務哉志學校

學宮舊在城內東北爲州學洪武初知州吉岳建八年

房縣志

卷四

學校

十四

改爲縣學正統二年知縣張瑀善青烏之術移建東門外成化七年知縣文達復遷城內故處科第寥落嘉靖十八年都御史王學夔檄飭復遷東門外中爲

先師殿旁列兩廡前爲戟門門外中爲泮池東西爲號房前爲櫺星門又前爲屏牆街南爲射圃場後爲明倫堂旁列兩齋曰居仁曰由義左爲藏書所右爲祭器庫堂後爲

啟聖宮左爲名宦祠右爲鄉賢祠又後爲敬一亭東爲教諭宅前爲儒學門西爲訓導宅前爲省牲所崇禎甲戌

已卯間盡爲賊燬

國朝康熙六年通判仇昌祚復脩訓導鄧復昌有記

無存

二十九年知縣沈用將重葺有記

無存

後知縣董雲李

居臨相繼脩補

雍正十三年知縣朱明淵更新有記余自甲寅冬承乏
房邑抵任之始恭謁學宮見殿堂廊廡門屏規制狹隘
形勢荒涼欲亟爲脩葺奈工力浩繁有志未逮今

天子尊崇

聖道各憲疊飭脩理學宮令地方官首其事有不足則闔邑

房縣志

卷四

學校

十五

矜士咸量捐以助余商之兩齋學博均有同心尤幸其
及門許生戡生楊生亦能仔肩是任爰捐俸爲之倡而
襄事者亦踴躍從之

大成殿移舊易新塗以丹堊增以甃石外如臺龕鼎案悉
易高大飾以金漆兩廡添建六間與殿庭相稱七十子
神位煥然一新東西爲庫房各一間貯予捐備祭器一
百七十二件以俱祀事舊設

啓聖宮逼處正殿後今移建正殿東門庭軒廊觀瞻倍肅
正殿後置明倫堂三間規模宏大爲諸生講課肄業所

堂後營學署三間耳房四間俾司鐸者咸有棲宿櫺星門補殘脩缺左則築立夾道另設臺門三間爲生童出入所而大功成矣房僻立萬山厯考誌典自唐宋以迄元明科甲不乏乃今百有餘年風流頓歇豈非以本源之地失培歟余今聿新其廟俾神靈得所憑依而兩齋暨諸生童以時講學明倫於其內將見棫樸菁莪由茲日盛於以繼往哲而勸來學豈不偉哉

乾隆十六年知縣李豫重整有記我國家敬敷五教薄海同風今

房縣志

卷四

學校

十六

天子重熙累洽尤加意作人直省設立書院廣集生徒發帑金以供膏火復

勅內外大臣各舉經明行脩之士以彰右文育才之化煌煌乎

盛代鉅典遠軼前古矣從來文章德行出於學校
文廟乃

聖人道德之堂先賢仁義之宅多士進而觀車服禮器以求盡其道者端在乎是戊辰春余奉

命來宰茲邑瞻謁之際見其卑隘闕略心甚惕然攷邑志房

舊爲州學在東門內迤北明初改爲縣學亦因之正統
中邑侯張公瑀移建東門外鳳皇翔翠於前沮粉環碧
於後宜其鍾靈毓秀代產異人如尹吉甫之流者乃邇
來科第寥落士風不振厥故何歟夫亦前後上下之弗
稱無以固其氣歛其和疏通其脈絡安能妥神靈昌文
教哉因有志整葺以簿書繁冗卒未遑及越庚午歲謀
諸同事諸君捐俸爲倡而多士亦欣然悅助以襄盛典
於是鳩工庀材恢宏堂宇建戟門開泮池缺者補之朽
者新之始於是年六月成於辛未三月前後上下無不

增其未備煥然改觀焉諸生將進而觀車服禮器以求
其所謂道庶幾有得也會見文章德行駸駸乎月異而
歲不同於以奮翼天衢黼黻

聖世文明之治余且拭目俟之矣

二十八年知縣張珩復葺有記粵稽房邑山抱水環風
稱忠孝名邦甲於鄖屬六邑乃自

國家定鼎以來孝廉明經雖不乏人而瓊林翰苑竟無聞
焉豈古今人不相及耶抑運會之遭逢適際其時耶已
卯冬余奉

命承之茲土每遇紳士晉謁率多英偉之器何懷瑾握瑜而
鬱鬱不得伸其志心竊疑之未幾春祀謁

聖則魁蛛網塵封片淪蔓草兩廡待朽大殿將傾至於遵
豆典籍無一存者文運有不因之而不振風俗有不因
之而漸靡乎雖曰司鐸之任而興廢舉墜亦守土者之
責也無何窮谷隱奸簿書形其執掌矣委任疊至奔命
窘於埤益矣懷欲爲之念而值不得爲之勢未嘗不咨
嗟太息私心自矢曰

聖人有靈豈無勸我者乎適秋期對越之餘復言念及之

倏聞大殿榱桷墜地如裂帛聲神之格思洵不可射遂
與正齋吳學博捐俸爲倡諸生若而人亦皆樂輸恐後
爰是鳩工庀材不日成焉是舉也夫豈掠美沽名亦不
過各盡厥職耳乃越辛巳瑾瑜光奇春闈報捷敢謂立
教之所致要莫非

至聖靈爽獲安之徵也嗣是人文繼起甲第聯綿而且作
忠作孝於周之甫漢之香先後媲美今古掩映是所望
於此都人士也故援筆而爲之記

嘉慶八年時總督吳熊光駐兵臨房飭知縣孫捷三勸

捐脩建移

文廟於北門內街西向東中爲大成殿旁爲兩廡丹堦列
御製乎定告成碑三其前爲大成門門兩旁爲鄉賢祠名
宦祠咸豐八年於祠右添建更衣所三楹又前爲櫺星
門門前左右有泮池中爲月橋池引穿城之水以入外
繚以牆垣左右爲戟門正殿後爲崇聖祠又後爲明倫
堂右棹去三四箴碑總督吳熊光有重建學宮記物難
初夷之舍將欲正人心端風俗必自學校始古者出則
受戎返則釋奠雖武功寓文教焉干戈之氣靖以詩書

鋒鏑之聲息以絃誦庶幾使民興行以遊於聖人之門
是故天下郡縣皆有學董士以師儒納民於軌物將薰
其德而善良也必擇高明爽塏之地低徊景仰於其間
而規制不可以或苟房陵僻在山陬唐始開貢舉立學
校宋脩州學基址不可考明改爲縣縣學在城東北隅
以形冢者言移建東門外後雖自郊而城卒以城外爲
定屢有興作不敢易迄今二百餘年矣聞之禮小學在
公宮南之左大學在郊今縣學視諸侯之類官則在郊
似有足據然橫渠氏有云郊學係鄉學之大者諸侯所

視斷無在郊之理姑勿深考第狃於科名之說而任伏莽及於泮林城闕傷夫茂草伊誰之咎與向者匪徒肆作不靖勞我王師申其撻伐鋌而走險者以老若爲遁逃藪徃徃遊奕無時屢薄房城幾毀學校守土之吏懼暫奉粟王於城之真武廟尚得謂卜云其吉終焉允臧乎嘉慶六年夏予奉命督兩湖駐房籌邊事每當月朔伏謁上丁習禮思所以妥侑之者因城中乏隙地逡巡未果越明年匪黨以次漸平乃度地於城西北隅地本演武場廣袤三十畝有奇俾立黌宮厥制稱善予捐廉

爲之倡自監司守令暨士民之秀者各量力以輸鳩工飭材規模大備經始於嘉慶壬戌之臘至癸亥秋七月落成當夫上櫟之口適獲首逆崔宗和在泮獻功卽以致祭繼自今濟濟多士懷我好音不惑於回邪不詭於正道庶有豸乎余嘗憬然以思宰然以望見夫朝陽初升平岡前接拂拭若几案然而南山之斬削刻露者拱衛於旁莫敢或肆雖殿以東嚮因地制宜而實扶輿結撰自然之大局也今夫學校之新所以作養人才卽以轉移風氣房被兵革有年矣方今餘孽盡殲氛祲不作

聖天子仁育萬物脅從罔治咸與惟新惟期耕鑿共安返而遊於熙皞而士爲四民之首益當脩明夫孝弟忠信之行砥礪夫禮義廉耻之防正路是由以爲民勸但不可遽貢之士與民也道在司養司教者克盡平教士養民之實勿以急功競名淆其志營私牟利涸其心正本清源治臻上理而聖道大昌焉於以循厯宮牆仰瞻廟貌此心先可自質惟士與民有不鼓舞而興起乎爲房陵一邑言之且將爲全楚告之也因記更新之歲月而叙其緣起如此嘉慶八年仲秋總督吳熊光委監脩縣丞

房縣志

卷四

學校

二十一

鈕鈞鰲沐手謹書

歲科額入文學各十二名撥府學無定額

歲入武學十二名撥府學無定額

同治六年加額入文學 名

同治六年加額入武學 名

額設廩生二十名 增生二十名

二年一頁

教諭署在明倫堂後爲儒學頭門左右兩序中爲正廳三楹後屋一重訓導署由頭門旁垣入內坐北向南正屋二重各三楹左右俱有兩廂咸豐三年六月水漲兩廂屋俱冲塌無存七年知縣金玉堂脩城縮進城基署址俱廢

按乾隆年學宮在東門外教諭署在崇聖祠後教諭戴喻讓於宅後又建廳曰佳士軒掘地得方碑六刊明神宗御書程子四箴軒後建亭表之訓導署在縣治東育英書院西嘉慶初年賊亂俱燬

房縣志

卷四

學校

二十二

育英書院舊在街北訓導署東講堂三楹知縣鍾夢瀛題曰四如堂前有門房三楹左右廂四間今廢

社學三所一明嘉靖間王簿嚴堯敷在城南關陰陽醫學改建一萬曆間知縣朱衣於尹公祠黃香祠旁建一天啓中知縣傅永淳在城內八蜡廟前建久廢

穆清書院舊爲房陵書院在城南天后廟後卽義學也先是康熙五十七年知縣王璋在萬壽宮西數武建樓房一所乾隆二十三年知縣黃元俊以地隘議移建令貢生謝克純等收積歷年學田租銀至四十八年撤舊樓

移建並增脩頭門左右廂房講堂三楹及後廳廂房庖
湏咸具焉

校士館在穆清書院東道光十七年知縣劉其淵借典史
沈森勸令紳士周大年等勸捐創建卽前義學基址復
建考棚東西號舍各九間中爲大堂前列兩簷後有耳
房爲憩息所頭門從書院出入緣考棚前有井額曰翰
泉上建奎星閣下障以牆焉道光三十年五月知縣王
錫疇有記考棚之設高垣棘闔編號扇門原以便坐位
以杜傳遞各郡舊有建立惟州縣缺而無備房邑向無

房縣志

卷四

學校

二十三

號舍就縣署考試諸童自備棹橈負携維艱五鼓點名
擁擠阻滯直至日出而後已值陰雨苦更甚焉道光丁
酉春前任誠齋劉典縣試目擊而難之同捕廳松橋沈
籌畫既久招候選訓導周君壽山邑增陳君愷堂邑庠
曹君近齋前而諭之曰房陵舊試無號舍近今楚省所
屬州縣捐脩過半我房何獨不然爰就義學東隙地爲
基址原日大堂爲龍門附焉爰分命周陳曹三人董其
事卜於戊戌三月十八日庀材鳩工捐廉四百貫囑向
闔邑紳耆士庶勸捐以勸感舉於是旋脩旋勸從而好

義樂輸者奮勉不絕焉其間更有廩生常敦五以田產捐助歲脩期於永遠十越月而草創甫就其計間架大堂三兩簷二捲棚三東西號舍各九箭廳二奎星閣一兩耳房共七無如工竣待時誠齋陞遷矣豈堂謝世矣近齋告退矣惟壽山一人欲完工缺乏資斧年近七旬四方收其餘捐彌縫外項及巳亥復縣考應試者庶不苦於負攜魚貫而入衆堪容膝不意巳酉春義學頭門一切圯苦無資助壽山收歲脩之租多方貸補秋建其門而三義學各處皆有脩補前道光丁未予握篆斯邑

典縣試見大致楚楚雖未觀成誠大有裨於斯邑欲復勸捐完是功未幾卸篆去遂有志而未之逮也值巳酉秋予復兼理是篆庚戌春再典縣試夏告竣壽山請序並各於予細問巔末允之以序周陳曹三人草創之功壽山脩飾之勞勵將來有志潤色之君子以成完璧顧名思義因名之曰校士館是爲序

賓興館在東街向北舊爲冀姓宅同治四年添建正廳三楹改葺前門圍牆先是教諭司先榜同貢生陳百行鄢正榮戢中道等創議興舉具詳碑記國家賓興獻賢之

典周禮載之詳矣三年大比州縣舉行要必有所取資焉邑距省垣千七百里許往返經費甚繁每屆鄉試無論貧富輒畏而不前是以應科者無幾而人才亦弗彰也廣文司公雅意作人督率士類倡義捐資故自道光庚戌以迄咸豐庚申中間所收所積除一切辦理費用並連發四科資斧外置田地共十一碩三斗三升東關房屋一院價值共三千六百六十四串每年收租共計一百三十四碩零稞錢佃錢共五十二串一百文猗與前後十年總計如此之多則行遠登高之助不爲無某

房縣志

卷四

學校

二十五

矣繼自今酌派城鄉首士慎重經理一年一推澈底根究當必有愈見其盛者豈以此爲成局耶矧文武生監觀光者貧富均沾其澤詎非煌煌義舉哉然必脩明學校本末相資庶不負司公暨先達倡義創建扶翼人才之至意也今特臚列捐輸姓名並勒田地界址租稞糧碩於左以垂不朽後之覽者亦將有感於斯義也夫咸豐十年歲次庚申菊月歲貢陳百行撰

義學田地四鄉坐落

東鄉

簸箕寨距城一百里義學山地一分
米花山距城五十里學地一分

南鄉

大黃溝距城十八里學地一分

三海堰距城十五里學產水田一分

又學產水田一分

梨花山距城十八里學地一分

又河東水田一分山地內有劉姓墳塋地一段

西鄉

房縣志

卷四

學校

桃源溝學產水田一分

高土坪學地一分

紙房溝學產旱地一分

羊峪口學田一分

易溝學產山地一分

過耳灣山地一分

茨芥坪距城二百二十里學產山地一分

大石頭坡距城二百一十里義學山地一分

三道溝距城二百四十里義學山地一分

汪基屯在龍家灣學田一分

蔡家溝學產一分

北鄉

包家河距城四十里義學水田一分

城內學地界址

校士館學地一段今脩考棚

縣門街學地一段

城外學地三段

南門外東至東城角西至西城角北至靠城南至濠溝

房縣志

卷四

學校

二十七

西門外南至南城角北至北城角東至靠城西至河心

北門外西至西城角東至東城角南至靠城北至濠溝

文廟歲脩田坐落

三海堰沙溝口計種二石四斗

沙淤一半

學租

白土堰八畝二郎崗九畝八分二共計稞租穀八石一斗

西北城外菜園地一分

學宮後菜園地一分

學地二段坐落西城外計種一石六斗

